

НОРМА МАСЛАХАТЧИ

ҲУҚУҚ СОЛИҚЛАР БУХГАЛТЕРИЯ

2005 йил июлдан чиқа бошлаган

ДИҚҚАТ!

ЕР СОЛИГИНИНГ УЧ БАРАВАРИ ОИЛАВИЙ КОРХОНАЛАР УЧУН ЭМАС

Президентнинг «Ўзбекистон Республикасининг 2013 йилги асосий макроиқтисодий кўрсаткичлари прогнози ва Давлат бюджети параметрлари тўғрисида»ги қарорига (25.12.2012 йилдаги ПҚ-1887-сон) мувофиқ 2013 йил 1 январдан бошлаб барча ягона солиқ тўлови тўловчилари (чакана савдо корхоналари бундан мустасно) ЯСТнинг энг кам миқдорини ягона база – эгаллаб турган ер майдонидан келиб чиқиб ҳисоблаб чиқарилган ер солигининг 3 бараваридан келиб чиқиб ҳисоблайдилар.

Шу муносабат билан МВ, ИВ ва ДСКнинг АВ томонидан 11.04.2013 йилда 2203-2-сон билан рўйхатдан ўтказилган қарори билан Ягона солиқ тўловининг энг кам миқдори киритилиши муносабати билан ягона солиқ тўлови ҳисоблаб чиқариш ва тўлаш тартиби тўғрисидаги низомга (АВ томонидан 3.03.2011 йилда 2203-сон билан рўйхатдан ўтказилган) ўзгартириш ва қўшимчалар киритилди. Улар 2013 йил 15 апрелдан қучга кирди.

Авалло 2203-сон Низом татбиқ этилмайдиган шахслар доирасига аниқлик киритилди. Улар жумласига қуйидагилар кирди:

- ЯСТни Ягона солиқ тўловининг энг кам миқдори киритилиши муносабати билан чакана савдо корхоналари томонидан ягона солиқ тўловини ҳисоблаб чиқариш ва тўлаш тартиби тўғрисидаги низомга (АВ томонидан 4.04.2013 йилда 2449-сон билан рўйхатдан ўтказилган) мувофиқ чакана савдони амалга ошираётган яқка тартибдаги тадбиркор-

лар томонидан тўланадиган қатъий белгиланган солиқ миқдоридан кам бўлмаган миқдорда тўлайдиган чакана савдо корхоналари. Аввалги тахрирда шу қаторида хизмат кўрсатиш соҳаси корхоналари ҳам кўрсатилган;

- оилавий корхоналар. Улар 2203-сон Низомни ҳисобга олган ҳолда ЯСТ тўламайдиганлар рўйхатига илк бор киритилди. Бунда корхонанинг ташкилий-ҳуқуқий шакли – оилавий корхона шахс сифатида белгиланди. Шу тариқа, 2203-сон Низом татбиқ этилмайдиغان ЯСТ тўловчилар рўйхати салмоқли бўлиши мумкин. Масалан, оилавий корхона сифатида рўйхатдан ўтказилган ишлаб чиқариш корхоналари, хизмат кўрсатиш соҳаси ва бошқалар.

Авалгидек, 2203-сон Низом қуйидаги юридик шахсларга тааллуқли эмас:

- ЯСТ тўловчилари ҳисобланмаган;
- ЯСТ тўлашдан тўлиқ озод қилиш кўришида имтиёзларга эга бўлган;
- уларга нисбатан ихтиёрий тугатиш тўғрисида қарор қабул қилинган.


2203-сон Низомга бошқа тузатишлар 2013 йил 1 январдан барча корхоналар учун ҳисобот даври чорак этиб белгиланганлиги билан боғлиқ. Қуйидагиларга тегишли ўзгартиришлар киритилди:

7-бандга – «ЯСТнинг энг кам миқдори ҳар чоракда ҳисоблаб чиқарилади». Аввалги тахририга кўра микрофирма ва кичик корхоналар уни ҳар чоракда, улар жумласига кирмайдиغان корхоналар эса – ҳар ойда ҳисоблар эдилар;

8-бандга – «Ер солиғи бир чорак ҳисобида ҳисоблаб чиқарилади ((ер участкаси (ижарага олинган хона) майдони х белгиланган ставка) / 4)». Аввалги тахририга кўра микрофирма ва кичик корхоналар уни ушбу формула бўйича ҳисоблар, улар жумласига кирмайдиغان корхоналар эса яна 12 га бўлар эдилар;

9-банднинг бешинчи хатбошисига – «СЯТ – ЯСТ бўйича қонун ҳужжатларида белгиланган имтиёзлар қўлланилмаган ҳолдаги ҳисобот чораги учун солиқ солинадиган ялпи тушум (ЯСТ ҳисоб-китобининг «040»-сатри маълумотлари

ОИЛАВИЙ КОРХОНА



В.Муромцев расми

асосида)». Аввалги тахририда ой учун ҳам эди;

Ягона солиқ тўловининг энг кам миқдорини ҳисобга олган ҳолда ягона солиқ тўлови маълумотнома-ҳисоб-китобининг 010, 030, 040 ва 050-сатрларига.

Пасайтирувчи коэффициентлар белгиланган тўловчилар рўйхатига асосий фаолият тури автотранспортни таъмирлаш ва унга техник хизмат кўрсатиш бўлган ташкилотлар (автотранспортни сақлаш учун ер участкалари мавжуд бўлган тақдирда) ҳамда автовокзаллар, автостанцияларни ташкил этадиган юридик шахслар киритилган. Улар учун 0,35 коэффициенти белгиланган.

«Norma Ekspert» мутахассислари тайёрладилар.

ЯНГИ ҲУЖЖАТЛАРНИ ТАҚДИМ ЭТАМИЗ

Тақдим этилаётган, шунингдек сўнги пайтда қабул қилинган бошқа ҳужжатларнинг тўлиқ матни билан norma.uz сайтида танишиб чиқишингиз мумкин.

ЎЗРТХБ ЭЛЕКТРОН САВДОЛАРГА АЛОҲИДА МАЙДОНЧА ТАҚДИМ ЭТАДИ

Президентнинг «Электрон харидлар тизимини мақбуллаштириш ва улардан тадбиркорлик субъектларининг фойдаланишини кенгайтириш тўғрисида»ги қарори (5.04.2013 йилдаги ПҚ-1948-сон) билан 2013 йилнинг 1 майдан бошлаб устав жамғармасида давлат улуши 50 фоиздан ортиқ бўлган табиий монополия субъектлари, давлат унитар корхоналари ва хўжалик жамиятлари учун айрим турдаги товарларни (ишларни, хизматларни) бир шартнома бўйича эквиваленти 300 АҚШ долларидан 100 минг АҚШ долларигача бўлган миқдорда алоҳида савдо майдончасида электрон савдолар воситасида харид қилиш тартиби жорий этилди. Бундай товарлар (ишлар, хизматлар) рўйхати махсус тузилган Ҳукумат комиссияси томонидан белгиланади.

Бундай тартиб жорий этилган субъектлар товарлар (ишлар, хизматлар) етказиб берувчини аниқлаш санасидан камида 15 календарь кундан аввал бўлажак харидлар тўғрисидаги ахборотни, шунингдек шартнома (контракт)лар тузилган кундан бошлаб уч кун ичида буюртмаларни жойлаштириш натижалари тўғрисидаги ахборотни Ўзбекистон республика товар-хон ашё биржасининг махсус ахборот порталида ва «Биржа» газетасида жойлаштиради. ЎЗРТХБ махсус ахборот

порталида ушбу ахборотдан эркин фойдаланиш имкониятини таъминлайди.

Қарор билан ушбу субъектларнинг электрон харидлари бўйича махсус ҳукумат комиссиясини ташкил этиш вазифаси топширилди.

Хусусийлаштириш, монополиядан чиқариш ва рақобатни ривожлантириш давлат қўмитаси ЎЗРТХБ билан биргаликда 2013 йилнинг 1 майгача:

«он-лайн» режимида электрон корпоратив харидларни амалга ошириш учун алоҳида савдо майдончаси тўла-тўқис фаолият юритишини таъминлаши;

манфаатдор субъектлар эътиборига, ташкил этилган савдо майдончасидаги электрон савдоларда иштирок этиш қоидаларини, жумладан, оммавий ахборот воситалари орқали, маълумот учун етказиш шарт.

Президентнинг 7.02.2011 йилдаги ПҚ-1475-сон қарорига киритилган ўзгартиришларга мувофиқ, ЎЗРТХБнинг давлат харидлари бўйича биржа савдоси қатнашчиларидан ундириладиган комиссия йиғим миқдори ҳар икки тарафдан битим суммасининг 0,05 фоизидан ошмаслиги лозим, етказиб берувчиларнинг зақалат миқдори эса Давлат харидлари бўйича Ҳукумат комиссияси томонидан белгиланади.

Вазирлар Маҳкамасининг «Товар-хон ашё биржалари фаолиятини такомиллаштиришга доир қўшимча чора-тадбирлар тўғрисида»ги қарорига (31.05.2004 йилдаги 251-сон) киритилган ўзгартиришларга мувофиқ,

«Ўзбекистон республика товар-хон ашё биржаси» ОАЖнинг Кузатув кенгашига мустақил равишда биржанинг ташкилий тузилмасини тасдиқлаш ва ходимлар сонини белгилаш ҳуқуқи берилди.

ДИРЕКЦИЯНИНГ ВАЗИФА ВА ФУНКЦИЯЛАРИГА АНИҚЛИК КИРИТИЛДИ

Президентнинг 8.04.2013 йилдаги ПҚ-1949-сон қарори билан Президентнинг «Саноат кооперацияси асосида тайёр маҳсулотлар, бутловчи буюмлар ва материаллар ишлаб чиқаришни маҳаллийлаштиришни чуқурлаштиришга доир қўшимча чора-тадбирлар тўғрисида»ги қарорига (1.12.2009 йилдаги ПҚ-1236-сон) қўшимча киритилди.

Хусусан, ТИАИСВ ҳузуридаги Халқаро саноат ярмаркаси ва Кооперация биржаси Дирекциясининг асосий вазифаларига ҳудудий ва тармоқ саноат ярмаркаларини ҳамда уларнинг доирасида – мамлакатимизда ишлаб чиқарилган истеъмол товарлари ярмаркаларини ўтказишни ташкиллаштириш вазифаси қўшилди.

Вазирлар Маҳкамасининг 8.04.2013 йилдаги 100-сон қарори билан Ўзбекистон Республикаси Ҳукуматининг айрим қарорларига қўшимчалар ва ўзгартиришлар киритилди.

NORMA
www.norma.uz

ЯНГИ ҲУЖЖАТЛАРНИ ТАҚДИМ ЭТАМИЗ

1-бетда Хом ашё, материаллар, бутловчи буюмлар ва асбоб-ускуналар харид қилиш бўйича тендер савдолари ўтказиш тўғрисидаги низомда (ВМнинг 21.11.2000 йилдаги 456-сон қарори билан тасдиқланган) етказиб берувчилар (ижрочилар, пудратчилар) билан контрактлар тендер (танлов) ўтказмасдан тузилиши мумкин бўлган ҳолатлар рўйхатига яна бир банд – Халқаро саноат ярмаркаси ва Кооперация биржаси, шунингдек ҳудудий ва тармоқ саноат ярмаркалари доирасида асбоб-ускуналар, бутловчи буюмлар, қайта ишланган хом ашё ва материаллар, шу жумладан мамлакатимиз корхоналари томонидан ишлаб чиқарилган истеъмол товарларини харид қилиш қўшилди.

Ўзбекистон Республикаси Ташқи иқтисодий алоқалар, инвестициялар ва савдо вазирлиги ҳузуридаги Халқаро саноат ярмаркаси ва Кооперация биржаси дирекцияси фаолиятини ташкил этиш тартиби тўғрисидаги низомда (ВМнинг 28.12.2009 йилдаги 335-сон қарори билан тасдиқланган) Дирекциянинг вазибалари рўйхатига Халқаро саноат ярмаркаси ва Кооперация биржаси, ҳудудий ва тармоқ саноат ярмаркалари доирасида истеъмол қилишга мўлжалланган маҳсулотларни етказиб бериш юзасидан тузилган шартномаларни рўйхатдан ўтказиш вазибаси қўшилди.

ҲАМ НАҚД, ҲАМ НАҚД ПУЛСИЗ ШАКЛДА...

Вазирлар Маҳкамасининг 10.04.2013 йилдаги 102-сон қарори билан Вазирлар Маҳкамасининг «Авиаташиш хизматларини амалга оширишни тартибга солишга доир чора-тадбирлар тўғрисида»ги қарорига (1.08.2011 йилдаги 224-сон) қўшимчалар киритилди. Қўшимчалар билан авиачипталар ҳақини чет эл валютасининг нақд ва нақд пулсиз шаклида тўлаш мумкин, дея аниқлик киритилди.



Шунингдек:

чет эл авиакомпанияларининг Ўзбекистон банкларида очилган ўз ваколатхоналари (доимий муассасалари)нинг чет эл валютасидаги ҳисобрақамларидан самолётларга авиация керосини қуйиш хизматлари кўрсатиш ва ерда хизмат кўрсатишга доир тузилган экспорт шартномаларига мувофиқ ўзаро ҳисоб-китоб қилишига;

Ўзбекистонга парвоз қилишга рухсатномалари бўлган чет эл авиакомпаниялари билан Ўзбекистон резидентлари ўртасида Ўзбекистон Республикасида мунтазам парвоз қилмайдиган чет эл авиакомпаниялари самолётларига авиация керосини қуйиш хизматлари кўрсатганлик ва ерда хизмат кўрсатганлик учун нақд чет эл валютасида ўзаро ҳисоб-китоб қилиб, кейинчалик Ўзбекистон резидентлари валюта тушумининг бир қисмини белгиланган тартибда мажбурий равишда сотишига рухсат берилди.

ДАВЛАТ РАҚОБАТ ҚЎМИТАСИНING МОЛ-МУЛКИ АНИҚ БЕЛГИЛАНДИ

Вазирлар Маҳкамасининг «Ўзбекистон Республикаси Давлат рақобат қўмитасининг ҳудудий органларини жойлаштириш тўғрисида»ги қарори (11.04.2013 йилдаги 104-сон) билан Давлат рақобат қўмитасининг ҳудудий органлари фаолиятини самарали ташкиллаштириш мақсадида улар жойлаштирилиши керак бўлган бинолар ва иншоотлар рўйхати тасдиқланди.

Қарор билан Давлат монополиядан чиқариш қўмитаси ёки Давлат мулки қўмитаси ҳудудий тузилмалари жойлашган 6 та мажмуани бошқа давлат органларига тезкор бошқарув учун бепул бериш ҳам назарда тутилган. Масалан, Хоразм вилояти бўйича Давлат мулки қўмитасининг Урганчдаги собиқ бошқармасида Хоразм тарихи ва маданияти музейи жойлашади.

ВАСИЙ – МАСЪУЛ ШАХС

Марказий банк бошқарувининг қарори (АВ томонидан 9.04.2013 йилда 570-1-сон билан рўйхатдан ўтказилган) билан Банклар устидан васийлик қилиш тўғрисидаги низомга ўзгартиришлар киритилди.

Чунончи, Тижорат банклари фаолиятини лицензиялаш ва тартибга солиш департаменти – банк бўйича хулоса тайёрловчи ва васийликни белгилаш масаласи-

ни Марказий банк бошқаруви кўриб чиқиши учун олиб чикувчи орган Кредит ташкилотлари фаолиятини лицензиялаш ва тартибга солиш департаменти этиб ўзгартирилди.

Банк васийи этиб тайинланган шахс Ўзбекистон Республикаси Марказий банки томонидан тижорат банклари ва уларнинг филиаллари раҳбарлари, бош бухгалтерлари, бошқарув аъзолари ҳамда микрокредит ташкилотлари ижро органлари раҳбарлари лавозимларига тавсия этилаётган номзодларга нисбатан малака талаблари қўйиш тартиби тўғрисидаги низомда (АВ томонидан 14.11.2006 йилда 1641-сон билан рўйхатдан ўтказилган) белгиланган малака талабларига мувофиқ келиши керак. Илгари у Банкларни рўйхатдан ўтказиш ва лицензиялаш тартиби тўғрисидаги низом (25.09.1998 йилда 22-сон билан тасдиқланган) билан банк бошқаруви раиси учун белгиланган мезонларга мувофиқ келиши керак эди.

«Банклар ва банк фаолияти тўғрисида»ги Қонуннинг 26-моддасига мувофиқ акциядор, қарз оловчи, кредитор ёки банкка дахлдор шахсдан ташқари, шунингдек Банклар ва уларга дахлдор шахслар билан ўтказиладиган операциялар тўғрисидаги низомда (АВ томонидан 2.12.1998 йилда 556-сон билан рўйхатдан ўтказилган) белгиланган таърифга кўра, эндиликда уларнинг яқин қариндошларини ҳам васий этиб тайинлаб бўлмайди.

КОНТРАКТНИ ҲИСОБДАН ЧИҚАРИШ УЧУН 5 ТА АСОС

Марказий банк бошқаруви, Иқтисодиёт вазирлиги, Молия вазирлиги, Давлат божхона қўмитасининг қарори (АВ томонидан 9.04.2013 йилда 1514-4-сон билан рўйхатдан ўтказилган) билан Импорт шартномаларини ҳисобга қўйиш ва улар тўловини хўжалик субъектларининг ўз валюта маблағлари ҳисобидан амалга ошириш тартиби тўғрисидаги низомга, уни Президентнинг «Ишбилармонлик муҳитини янада тубдан яхшилаш ва тадбиркорликка янада кенг эркинлик бериш чора-тадбирлари тўғрисида»ги Фармони (18.07.2012 йилдаги ПФ-4455-сон) ва Вазирлар Маҳкамасининг «Ташқи савдо операцияларини амалга ошириш билан боғлиқ тартиботларни либераллаштиришга доир қўшимча чора-тадбирлар тўғрисида»ги қарорига (30.12.2012 йилдаги 379-сон) мувофиқлаштириш мақсадида, ўзгартириш ва қўшимчалар киритилди.

Унга битта импортчи корхона битта хорижий ҳам-

МДҲ ВА БОЛТИҚБЎЙИ МАМЛАКАТЛАРИ ВАЛЮТАЛАРИНИНГ АҚШ ДОЛЛАРИ, ЕВРО ВА РОССИЯ РУБЛИГА НИСБАТАН КУРСЛАРИ

Мамлакат	Сана	АҚШ доллари		Евро		Россия рубли	
		бирлиги	курси	бирлиги	курси	бирлиги	курси
Озарбайжон	22.04.2013	1	0,7847	1	1,0260	1	0,0248
Арманистон	19.04.2013	1	416,39	1	545,14	1	13,22
Беларусь	22.04.2013	1	8640,00	1	11 290,00	1	274,50
Грузия	22.04.2013	1	1,6567	1	2,1676	100	5,2660
Қозоғистон	22.04.2013	1	151,09	1	197,73	1	4,80
Қирғизистон	22.04.2013	1	48,4521	1	63,4432	1	1,5401
Лятувия	23.04.2013	1	0,538000	1	0,702804	1	0,017000
Литва	22.04.2013	1	2,6414	1	3,4528	1	0,083966
Молдова	22.04.2013	1	12,2764	1	16,0667	1	0,3894
Россия	20.04.2013	1	31,4605	1	41,1157	–	–
Тожикистон	22.04.2013	1	4,7577	1	6,1826	1	0,1551
Украина	22.04.2013	100	799,3000	100	1048,2820	10	2,5406
Эстония	31.12.2010	1	11,7107	1	15,6466	1	0,383246

Манба: www.prime-tass.ru

ХОРИЖИЙ ВАЛЮТАЛАРИНИНГ СЎМГА НИСБАТАН ҚИЙМАТИ

Ўзбекистон Республикаси Марказий банки 2013 йил 23 апрелдан бошлаб валюта операциялари бўйича бухгалтерия ҳисоби, статистик ва бошқа ҳисоботларни юритиш, шунингдек божхона ва бошқа мажбурий тўловлари учун хорижий валюталарнинг сўмга нисбатан қуйидаги қийматини белгилади:*)

1 Австралия доллари	2121,58	1 Польша злотийси	657,30
1 Англия фунт стерлинги	3137,37	1 СДР	3101,72
1 Дания кронаси	361,29	1 Туркия лираси	1144,79
1 БАА дирҳами	560,80	1 Швейцария франки	2209,86
1 АҚШ доллари	2059,59	1 ЕВРО	2696,17
1 Миср фунти	298,35	10 Жанубий Корея вони	18,36
1 Исландия кронаси	17,65	10 Япония иенаси	206,39
1 Канада доллари	2009,75	1 Россия рубли	65,47
1 Хитой юани	333,24	1 Украина гривнаси	257,67
1 Малайзия ринггити	677,72		

*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган

✓ ҚОНУНЧИЛИКДАГИ ЯНГИЛИКЛАР

– Ер солигининг уч баравари оилавий корхоналар учун эмас **1-3-бетлар**

✓ ХЎЖАЛИК ҲУҚУКИ

– Агентлик шартномаси – «икки кўённи уриб» **3-бет**

✓ БИЗНИНГ ЛОЙИХАЛАР

– Бевосита мулоқот **4-бет**

ЎЗБЕКИСТОН ҚОНУНЧИЛИГИДАГИ ЯНГИЛИКЛАР ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРЛАРИ:

– «Электрон харидлар тизимини мақбуллаштириш ва улардан тадбиркорлик субъектларининг фойдаланишини кенгайтириш тўғрисида»;

– «Ўзбекистон Республикаси Президентининг «Саноат кооперацияси асосида тайёр маҳсулотлар, бутловчи

буюмлар ва материаллар ишлаб чиқаришни маҳаллийлаштиришни чуқурлаштиришга доир қўшимча чора-тадбирлар тўғрисида» 2009 йил 1 декабрдаги ПҚ-1236-сонли қарорига қўшимча ва ўзгартиришлар киритиш тўғрисида».

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

– «Ўзбекистон Республикаси Ҳукуматининг айрим қарорларига қўшимчалар ва ўзгартиришлар киритиш тўғрисида (Ўзбекистон Республикаси Президентининг «Мамлакатимизда ишлаб чиқарилган маҳсулотларнинг рақобатдошлилигини янада ошириш ва товарларни республикага ноқонуний олиб киришга қарши курашни кучайтириш тўғрисида» 2013 йил 29 январдаги ПҚ-1913-сон қарори)».

ИДОРАВИЙ-МЕЪЁРИЙ ҲУЖЖАТЛАР:

– ЎзР МВ, ДСҚнинг «Автомобилларга ёнилғи қуйиш шохбчалари томонидан маҳаллий бюджетга нефть маҳсу-

лотларининг чакана нархи билан белгиланган чекланган устамадан ортиқ бўлган харид нархи ўртасидаги тафовутни ҳисоблаб чиқариш ва тўлаш тартиби тўғрисидаги низомни тасдиқлаш ҳақида»ги қарорни ўз кучини йўқотган деб топиш тўғрисида»ги қарори;

– ЎзР МВ, ИВ, ДСҚнинг «Маҳсул инвестиция устама ҳақини «Ўзбекнефтегаз» МХКнинг маҳсул счётига ўтказиш тартиби тўғрисидаги низомни тасдиқлаш ҳақида»ги қарори.

МЕЪЁРИЙ-ҲУҚУҚИЙ ҲУЖЖАТЛАРНИ ДАВЛАТ РЎЙХАТИДАН ЎТКАЗИШ ҲОЛАТИ ТЎҒРИСИДА 2013 ЙИЛ 23 МАРТДАН 29 МАРТГАЧА БЎЛГАН МАЪЛУМОТ.

✓ ОИЛА МУНОСАБАТЛАРИ

– Биргаликда орттирилгани – умумий мулк **7-бет**

✓ СЎНГСЎЗ ЎРНИДА

– Карнайчидан бир пуф кетди **8-бет**

кор билан тузган, импортчи корхонанинг ўз маблағлари ҳисобига ҳақи тўланган икки ва ундан ортиқ импорт контрактлари доирасидаги ўзаро ҳисоб-китобларни чет эл валютасида амалга ошириш имконини берувчи меъёр киритилди.




Ваколатли банкда импорт контрактларини ҳисобдан чиқариш учун асослар рўйхатида қуйидагича тузатиш киритилди:

- 1) импортчининг мурожаати асосида: дебиторлик ва кредиторлик қарзи бўлмаганда; фуқаролик қонунчилигига мувофиқ давво қилиш муддати ўтган кредиторлик қарзи корхона даромадида ҳисобдан чиқарилганда; контрактлар бўйича ишлар қабул қилиш-топшириш далолатномасига кўра бошқа ваколатли банкларга ўтказилганда;
- 2) банкда контракт ҳисобга қўйилган санадан бошлаб бир йил ўтганда, агар ушбу муддат давомида тўлов амалга оширилмаган ва товар (иш, хизмат) импорт қилинмаган бўлса;
- 3) импортчи корхона тугатилганда.

ГАЗГА ОИД МАХСУС УСТАМА ҲАҚИ УЧУН ТАРТИБ

Молия вазирлиги, Иқтисодиёт вазирлиги ва ДСҚнинг қарори (АВ томонидан 12.04.2013 йилда 2451-сон билан рўйхатдан ўтказилган) билан Махсус инвестиция устама ҳақини «Ўзбекнефтгаз» МХКнинг махсус счётига ўтказиш тартиби тўғрисидаги низом тасдиқланди.

Махсус инвестиция устама ҳақи – миқдори Ўзбекистон Республикаси Президентининг қарорлари билан тасдиқланган, табиий газ етказиб берувчи томонидан автомобиль газ тўлдиргич компрессор станцияларига сотиладиган табиий газнинг улгуржи-сотиш нархида қўйиладиган устама.



Унинг суммаси Низомда белгиланган формулага кўра аниқланиб, барча турдаги солиқлар ва бошқа мажбурий тўловларни ҳисоблашда табиий газ етказиб берувчининг солиқ солинадиган базасига киритилмайди; Молиявий натижалар тўғрисида ҳисоботда кўрсатилмайди; «Ўзбекнефтгаз» МХК ва унинг таркибига кирувчи ташкилотлар учун мақсадли тушум ҳисобланади ва солиққа тортилмайди; автомобиль газ тўлдиргич компрессор станциялари томонидан табиий газ етказиб берувчидан қабул қилинган табиий газ ҳажмлари учун тўланади.

Автомобиль газ тўлдиргич компрессор станциялари барча турдаги солиқлар ва бошқа мажбурий тўловларни ўрнатилган тартибда тўлайдилар. Бунда, ягона солиқ тўлови тушумдан транспорт воситалари учун сиқилган газни ишлатганлик учун олинадиган солиқни чегириган ҳолда тўланади. Улар махсус инвестиция устама ҳақи суммаларини табиий газ етказиб берувчининг махсус счётига ўтказиб берилишини етказиб бериш шартномасида белгиланган муддатларда амалга оширади.

Шунингдек Низомда махсус инвестиция устама ҳақидан фойдаланиш тартиби белгиланган.

Тақдим этилган ҳужжатларга қисқача шарҳларни эксперт-юристамиз Елена ЕРМОХИНА тайёрлади.

АГЕНТЛИК ШАРТНОМАСИ – «ИККИ ҚУЁННИ УРИБ»

Қандолат маҳсулотлари ишлаб чиқарадиган компаниямиз маҳсулотларни воситачи орқали реализация қилмоқчи. Биз воситачининг, реализациядан ташқари, маҳсулотни реклама қилиш билан ҳам шуғулланишини хоҳлаймиз. Бунда воситачи бошқа фирмалар билан ишлаб чиқарувчи компания номидан ва ҳисобидан тузиладиган қандолат маҳсулотларини реализация қилиш шартномалари асосида ишлаши мақбул бўларди.

Мазкур ҳолда воситачилик шартномасининг қандай турини тузиш лозим? Бундай шартномада қандай шартлар қайд этилиши керак?

МЧЖ директори.

– Фуқаролик кодексида (бундан кейин – ФК) воситачилик шартномасининг айнан сизни қизиқтирадиган мажбурий шартларни ифода этадиган аниқ тури назарда тутилмаган.

Бундай қараганда ҳаракатлар ишониб топширувчининг номидан ва ҳисобидан амалга ошириладиган топшириқ шартномаси шундай шартнома бўлиши мумкиндек туюлади. Бироқ бундай шартноманинг предмети фақат муайян юридик ҳаракатларни амалга оширишгина (оферта жўнатиш, шартнома лойиҳасини тузиш) бўлади.

Сизнинг ҳолатингизда ФКнинг 354-«Шартнома тузиш эркинлиги» моддаси қоидаларини қўллаш мақсадга мувофиқдир, унга кўра тарафлар турли шартномаларнинг элементларини ўз ичига оладиган аралаш шартнома тузишлари мумкин. Биз воситачилик ва топшириқ шартномалари элементларини ўз ичига олган агентлик шартномаси лойиҳасини ишлаб чиқишни таклиф этамиз. Бизнинг фуқаролик ҳуқуқимизда бундай шартнома тушунчаси ва шартлари тартибга солинмаган, бироқ у қонун ҳужжатларида назарда тутилмаган шартномани тузиш имконини беради. Бунинг устига, амалий фаолиятда агентлик шартномаларидан фойдаланиш тўғрисида Солиқ кодексининг 355-моддасига шарҳда ҳам сўз боради¹. Унда, хусусан, айтилишича, «воситачилик шартномаларининг икки туридан (топшириқ ва воситачилик) ташқари, амалий фаолиятда турли шартномаларнинг элементларини ўз ичига оладиган аралаш шартномалардан ҳам фойдаланилади. Бунга агентлик шартномаси мисол бўлади, унда нафақат топшириқ шартномаси элементи, балки бевосита воситачининг ўзи кўрсатадиган (бажарадиган) бирор-бир бошқа хизматларни тақдим этиш ёки ишларни (воситачилик ишлари эмас) бажариш ҳам мавжуд» (таржима таҳририят томонидан амалга оширилган). Хорижий мамлакатларнинг қонунчилиги амалиётдан маълумки, агентлик шартномаси ёки битими бўйича бир тараф (агент) ҳақ эвазига бошқа тарафнинг (принципалнинг) топшириғи бўйича ўз номидан, бироқ принципал ҳисобига ёхуд принципалнинг номи ва ҳисобига юридик ва бошқа ҳаракатлар қилиш мажбуриятини олади.

Сизга таклиф қилинаётган тавсиялар агентлик шартномасини тузиш чоғида ёрдам беради.

Биринчидан, қонун ҳужжатларимизда агентлик шартномаси тушунчаси назарда тутилмаганлиги боис унинг иштирокчиларини «Тараф-1» ва «Тараф-2» сифатида белгилаш мақсадга мувофиқдир. Айни вақтда «Агентлик» ва «Принципал» номларини қўллаш қоидабузарлик деб ҳисобланмайди, чунки улар «Валютани тартибга солиш тўғрисида»ги Қонуннинг² 18-моддаси ва Ўзбекистоннинг бир қатор бошқа меъёрий-ҳуқуқий ҳужжатларида назарда тутилган.

Иккинчидан, шартнома предметини – яъни агент бажарадиган ҳаракатларни белгилаш лозим. Улар юридик (шартнома тузиш, маслаҳат бериш ва бошқалар) ва бошқа ҳаракатлар (товарларни харид қилиш/сотиш, турли хил хизматлар тақдим этиш) бўлиши мумкин. Эътибор беринг: агар агент билан шартномада битимлар тузишга унинг умумий ваколатлари кўрсатилган бўлса

(яъни у сизнинг номингиздан амалга ошириши мумкин бўлган битимларнинг аниқ турлари кўрсатилмаган бўлса), сиз агентда у ёки бу ваколатлар бўлмаганлиги ва, тегишинча, у муайян шартномани туза олмаганлигини ваз қилиб кўрсатиш ҳуқуқини йўқотасиз.

Учинчидан, агент кимнинг номидан чиқишини белгилаш муҳим. У сизнинг ҳам, ўзининг ҳам номидан шартнома шартларига боғлиқ ҳолда ҳаракатларни амалга ошириши мумкин.

Биринчи ҳолда сиз агент тузган битимга кўра барча ҳуқуқларни оласиз ва мажбуриятларни бажарасиз, иккинчи ҳолда – агентнинг ўзи шундай қилади. Сиз, шунингдек шартномада битимларнинг бир қисмини агент сизнинг номингиздан, бир қисмини ўз номидан амалга оширишини назарда тутишингиз мумкин.

Тўртинчидан, ҳақ миқдори ва уни тўлаш тартибини белгилаш лозим. Унинг мавжудлиги воситачилик шартномаларининг муҳим шартларидан бири ҳисобланади. Бунда тўлов миқдори ва тартибини сиз мустақил равишда беягилашингиз мумкин. Агар шартномада агентга тўланадиган ҳақ миқдори қайд этилмаган бўлса, у ФК 356-моддасининг тўртинчи қисмига мувофиқ белгиланади. Агар шартномада уни тўлаш тартиби келтирилган бўлмаса, агент ўзига тегишли ҳақни унга сизга тегишли бўлган, келиб тушган барча суммалардан ушлаб қолиш ҳуқуқига эга.

Бешинчидан, ҳар иккала тарафнинг ҳуқуқларини чеклаш ҳажмини аниқланг. Чунончи, сиз агентлик шартномасида агент сизнинг шартномангизда кўрсатилган ҳудудга тўлиқ ёки қисман мувофиқ келадиган ҳудудда бажарилиши керак бўлган бундай агентлик шартномаларини бошқа принципаллар билан тузмаслиги керак бўлган шартни назарда тутишингиз мумкин. Агент бошқа агентлар билан бундай шартномаларни тузишга бўлган ҳуқуқингизни чеклаши ҳам мумкин. Бундай шартлар мажбурий эмас, улар шартномага тарафларнинг хоҳиши бўйича киритилиши мумкин.

Олтинчидан, субагентлик шартномасини тузиш имкониятини назарда тутиш лозим. Чунончи, сиз агентга учинчи шахсларнинг хизматларидан фойдаланиш имкониятини беришингиз ёки тақиқлашингиз мумкин.

Агентлик шартномасининг воситачилик шартномаларининг (топшириқ, воситачилик) бошқа худди шундай турларидан афзаллиги шундаки, уни қўллаш соҳаси кенгроқ. Зеро унинг доирасида, юридик ҳаракатлардан ташқари, бошқа ҳаракатлар ҳам амалга оширилиши, шунингдек турли хизматларнинг катта комплекси кўрсатилиши мумкин. Айни шу сабабли агентлик шартномаси тадбиркорлик фаолиятини воситачилик орқали амалга оширадиган шахслар учун аниқса жозибалидир.

Тадбиркорларнинг бундай (агентлик) шартномаларни тузишга эҳтиёжини ҳисобга олиб ва уни қўллаш имкониятини кенгайтириш мақсадида Фуқаролик кодексига айрим қоидаларни киритиш йўли билан бундай шартномага оид ҳуқуқий муносабатларни қонун билан тартибга солиш мақсадга мувофиқ бўларди.

Алишер УБАЙДУЛЛАЕВ,
«VICTORY YURCONSALT» МЧЖ
юрисконсульти.

¹Комментарий к Налоговому кодексу Республики Узбекистан. Особенная часть – стр. 577. Ташкент – «Norma» – 2012.
²7.05.1993 йилдаги 841-ХII-сон (11.12.2003 йилдаги 556-II-сон Қонун таҳририда).

БЕВОСИТА МУЛОҚОТ

«Меҳнат муносабатларини ҳуқуқий тартибга солиш амалиёти» семинарининг 4 апрелда бўлиб ўтган охириги машғулоти «Норма» газеталари бирлашган таҳририяти катта экспертлари Абдусалом РИСКУЛЛАЕВ ва Римма СОЛОДОВНИКОВАЛАР олиб боришди.

«Норма» компанияси ўтказадиган ҳар бир семинар – ноёб. Зеро унинг мазмунини иштирокчиларнинг ўзлари шакллантириб, ташкилотчиларга жавоб олишни хоҳлайдиган саволларни олдиндан юбордилар. Шу ернинг ўзида улар ўз вазиятларини ҳамкасблари ва экспертлар билан муҳокама қилишлари мумкин.

Бу гал семинар иштирокчилари – кадр хизматлари мутахассислари бир қатор гоятда долзарб масалаларга ойдинлик киритдилар.

Ўриндошлик бўйича қанча жойда ишлаш мумкин?

– Илгари ўриндошлик бўйича ишга қабул қилаётганда ўриндошликнинг зиммасига юкланадиган мажбуриятларни бажариш имкониятидан келиб чиқарди. Вазирлар Маҳкамасининг 18.10.2012 йилдаги 297-сон қарори иш вақтини бош мезон деб белгилади. Қарор билан тасдиқланган Ўриндошлик асосида ҳамда бир неча касбда ва лавозимда ишлаш тартиби тўғрисида низомга кўра ходим ўзининг асосий ишидан бўш вақтида ўриндошлик бўйича ишни, меҳнат шартномаси шартларида бошқа ҳақ тўланадиган ишни бажаради. Меҳнат кодексининг (МК) 123-моддасида иш кунининг энг кўп муддати – суткада 12 соат-

дан ошмайди деб белгиланган. Ана шу вақт оралиғида ходим қанча ишни бажара олишини ўзининг ҳисобланган. Масалан, 8 соат – асосий иш, 4 соат ўриндошлик бўйича ишга қолади. Бундан ташқари, ўриндошни ишга қабул қилганда ундан албатта асосий иш жойидан маълумотнома талаб қилинг.

Ўриндошлик асосида ишлашнинг давомийлиги ходимларнинг ушбу тоифаси учун белгиланган иш вақти нормасининг ярмидан ортиқ бўлиши мумкин эмас (кўрсатилган Низомнинг 7-банди). Меҳнатга ҳақ ишланган вақтга нисбатан мутаносиб тарзда, ишбай шаклда эса – амалда бажарилган иш учун тўланади.

Ўриндошлик бўйича ишлаш пенсия миқдори ва меҳнат стажига таъсир қиладими?

– Ўриндошлик бўйича иш асосий иш вақтидан ташқари иш ҳисобланади. Шу сабабли у умумий меҳнат стажига акс этмайди, чунки унда иш вақтининг жами ҳисоби эмас, балки ходим ишлаган календарь давр ҳисобга олинади. Бироқ ўриндошлик ишидан олинган даромадлар пенсияни кўпайтириш тарзида унинг миқдорига таъсир кўрсатиши мумкин.

Ўртача иш ҳақи ҳисоб-китобида меҳнат фаолияти натижасида олинган барча даромадлар ҳисобга олинади, бунда бюджетдан ташқари Пенсия жамғармасига суғурта бадалларини тўлаш талабига албатта риоя этилиши керак (Давлат пенсияларини тайинлаш ва тўлаш тартиби тўғрисида низом (бундан кейин – Давлат пенсияси тўғрисида низом), Пенсияни ҳисоблаш учун қабул қилина-

диган иш ҳақини иш ҳақининг якка тартибдаги коэффициентларини қўллаган ҳолда қайта ҳисоблаб чиқиш тартиби тўғрисида низом¹).

Бироқ шундай бўлса-да, бундай даромадларнинг энг юқори чегараси аввалгидек ЭКИХнинг 8 баравари доирасида қолади, ундан ўртача ойлик иш ҳақининг 55%и ҳисоб-китоб учун олинади (пенсиянинг базавий миқдори), бироқ у расмий тарзда белгиланган энг кам иш ҳақининг 100%идан кам бўлмаслиги керак. Тегишли стаждан ошадиган ҳар бир йил учун пенсиянинг таянч миқдори 1%га оширилади («Фуқароларнинг давлат пенсия таъминоти тўғрисида»ги Қонун² 26, 27, 31-моддалари; Президентнинг 17.09.2007 йилдаги ПФ-3921-сон Фармони 1-банди).

Болани парваришлаш таътилида бўлган ходим 2 йил ўтишини кутмасдан ишга чиқмоқчи. Шу муносабат билан у болага нафақа олиш ҳуқуқини йўқотади. Аёл зарурат бўлганда бир оз вақтдан кейин яна шундай таътилга чиқиши ва нафақа олиши мумкинми?

– Боласи 2 ёшга тўлгунга қадар болани парваришлаш таътилида бўлган аёл исталган вақтда ишга чиқиши мумкин. Агар у тўлиқсиз иш кунига ва (ёки) тўлиқсиз иш ҳафтасида банд бўлса, унинг болани парваришлаш нафақаси олиш ҳуқуқи сақланади (МКнинг 234-моддаси). Агар

у тўлиқ иш кунига чиқса, ҳақиқатан ҳам бундай имкониятни йўқотади. Бироқ исталган вақтда бола 2 ёшга тўлгунга қадар, башарти тўлиқсиз иш кунига чиқса ёки болани парваришлаш учун тўлақонли таътил олса, ўзининг нафақа олиш ҳуқуқини тиклаши мумкин.

Ходимни бошқа лавозимга ўтказиш қандай расмийлаштирилади? Агар у ўтишга рози бўлмаса, нима қилиш керак? Бошқа лавозимга ўтказилган ходим билан янги меҳнат шартномаси тузиш шартми?

– МКнинг 92-моддасига кўра бошқа доимий ишга ўтказишга (ходимнинг меҳнат вазифаларини ўзгартиришга) – унга бошқа мутахассислик, малака, лавозимга оид ишни топширишга фақат ходимнинг розилиги билан йўл қўйилиши мумкин. Ходим бошқа ишга ўтишдан бош тортган ёки корхонада тегишли иш бўлма-

ган тақдирда, меҳнат шартномаси умумий асосларда бекор қилиниши мумкин. Ходим бошқа лавозимга ўтишга рози бўлса, у билан янги меҳнат шартномаси тузиш шарт эмас. Қўшимча битим тузиб, унда янги лавозим, маош (агар у ўзгарса), меҳнат шартларини кўрсатиш етарли.

ГАЗЕТАДА, НОРМА.UZ САЙТИДА, 200-00-59 РАҚАМЛИ ТЕЛЕФОН ОРҚАЛИ, ЭНДИ СЕМИНАРИДА ҲАМ

Меҳнат кодексининг 164-моддасига кўра ходимнинг ёзма розилиги билан меҳнат ҳақидан ушлаб қолиниши мумкин. Унинг умумий миқдори ходимга тегишли сумманинг 50%ида ошиши мумкин эмас. Ҳозирги вақтда кўп ходимларга болаларни ўқитиш, товарлар хариди ёки ипотека кредитини сўндириш учун қарз берилади. Қарзларини тезроқ сўндириш учун кўпчилик ўз иш ҳақининг катта қисми ҳар ойда ушлаб қолинишидан манфаатдор. Баъзан айниқса ипотека кредитини сўндиришга ўтказилган суммани қоплашда бутун иш ҳақини ушлашни сўрашади. Ходимнинг аризасига кўра 50%дан ортиқ суммани ушлаб қолиш мумкинми?



– МКнинг 164-моддасида мажбурий ушлаб қолиш ҳисобланган даромадларнинг 50%идан ошмаслигини белгилайди. Бироқ иш берувчи ходимнинг ёзма аризасига асосан унинг иш ҳақи 100%ини ҳам ушлашга ҳақли, чунки ходимнинг ўзи ана шундай қарорга келган бўлади.

Экспертларнинг

семинардаги жавобларини мухбиримиз Ольга КИРЬЯКОВА ёзиб олди.



ЛОЙИҲАЛАРИМИЗ ҲАҚИДА ФИКРЛАР

хусусий корхона бухгалтери Дилором НОРМАТОВА:

– Компаниямиз бир неча йиллардан буён «Норма» дастурий маҳсулоти – «Ўзбекистон Республикасининг қонун ҳужжатлари» дастуридан фойдаланиб келади. Бундан ташқари, «Солиқ ва боғхона хабарлари» + «Норма маслаҳатчи», «Налоговые и таможенные вести» + «Норма» + «top» газеталарининг доимий обуначисимиз.

Газеталарининг саҳифаларида кўпроқ газетхонлар саволларига мутахассислар берган жавобларни қидириб ўқийман. Обуначи тўғридан-тўғри «Бевосита мулоқот» хизматига мурожаат қилиши мумкинлиги ҳам айна муддаодир. Иш амалиётимда низоли пайтлар чиқиб қолганда, дарҳол 200-00-59 телефон рақами орқали мурожаат қиламан ва менга ҳаммиша ёрдам беришади.

«Gorod Skidok» дастурини запар ўйлаб топгансизлар. Аввалига у ёки бу жойга борганда сийлов олиш учун картчани кўрсатишга ийманардим. Кейинчалик бу йўл билан анча-мунча тежамга эга бўлишим мумкинлигини тушуниб етдим ва бу усул менга жуда ёқиб қолди.

Мен кўпроқ «НОРМАльная карта»дан фойдаланаман. Менга «SALUS VITA» клиникасида кўрсатиладиган тиббий хизматлар учун сийлов беришди. Заргарлик буюмларини сотиб олишда ҳам ана шундай сийлов шарофати билан анча-мунча пулим тежалди. Мазкур дастур янада кенг қулоч ёйишида сизларга ютуқлар ёр бўлсин дейман. Берилаётган имкониятлардан фойдаланар эканман, дўконлар ва рестороанларда сийловлар янада кўпроқ бўлишини исташимни ҳам яшира олмайман.

Таҳририятдан. Хурматли Дилором Обидовна! Биз ҳам дисконт сервисдан фойдаланувчилар кўпроқ ва каттароқ сийлов олишларини жуда-жуда истаймиз. Шу йўналишда иш олиб бормоқдамиз ҳам. Аммо сийлов бериш шартларини ташкилотнинг ўзи – Дастуримиз шериклари ўз манфаат ва имкониятларидан келиб чиқиб белгилашларини ҳам унутмайлик.

Савол туғилган бўлса, уни телефон орқали мурожаат этиш билангина эмас, балки электрон сўров юбориш йўли билан ҳам мулоқотингиз ҳосил бўлади. «Бевосита мулоқот» орқали телефон кўнғироғининг афзалликлари бор. Лекин электрон сўров маъқуллигини исботловчи далиллар ҳам оз эмас. Хусусан, сўровингизга жавобни ўзингизнинг e-mail орқали юборишади, ахир! Таъкидлаш жоизки, «Норма»нинг қатор дастурий маҳсулотлари интерфейсида ҳозир экспертларга бухгалтерия ҳисоби, солиқ солиш, хўжалик ҳуқуқи ва фуқаролик ҳуқуқи мавзулари бўйича савол бериш имконияти ҳам назарда тутилган.

Реклама ўрнида.

¹Низомлар ВМнинг 8.09.2011 йилдаги 252-сон қарори билан тасдиқланган.
²3.09.1993 йилдаги 938-XII-сон.

ЎЗБЕКИСТОН ҚОНУНЧИЛИГИДАГИ ЯНГИЛИКЛАР

• ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРЛАРИ:

– «Электрон харидлар тизимини мақбуллаштириш ва улардан тадбиркорлик субъектларининг фойдаланишини кенгайтириш тўғрисида»;

– «Ўзбекистон Республикаси Президентининг «Саноат кооперацияси асосида тайёр маҳсулотлар, бутловчи буюмлар ва материаллар ишлаб чиқаришни маҳаллийлаштиришни чуқурлаштиришга доир қўшимча чора-тадбирлар тўғрисида» 2009 йил 1 декабрдаги ПҚ-1236-сонли қарорига қўшимча ва ўзгартишлар киритиш тўғрисида».

• ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

– «Ўзбекистон Республикаси Ҳукуматининг айрим қарорларига қўшимчалар ва ўзгартиришлар киритиш тўғрисида (Ўзбекистон Республикаси Президентининг «Мамлакатимизда ишлаб чиқарилган маҳсулотларнинг рақобатдошлилигини янада ошириш ва товарларни республикага ноқонуний олиб киришга қарши курашни кучайтириш тўғрисида» 2013 йил 29 январдаги ПҚ-1913-сон қарори)».

• ИДОРАВИЙ-МЕЪЁРИЙ ҲУЖЖАТЛАР:

– ЎЗР МВ, ДСҚнинг «Автомобилларга ёнилғи қуйиш шохобчалари томонидан маҳаллий бюджетга нефть маҳсулотларининг чакана нархи билан белгиланган чекланган ортиқ бўлган харид нархи ўртасидаги тафовутни ҳисоблаб чиқариш ва тўлаш тартиби тўғрисидаги низомни тасдиқлаш ҳақида»ги қарорни ўз кучини йўқотган деб топиш тўғрисидаги қарори;

– ЎЗР МВ, ИВ, ДСҚнинг «Махсус инвестиция устама ҳақини «Ўзбекнефтгаз» МХКнинг махсус счётига ўтказиш тартиби тўғрисидаги низомни тасдиқлаш ҳақида»ги қарори.

• **МЕЪЁРИЙ-ҲУҚУҚИЙ ҲУЖЖАТЛАРНИ ДАВЛАТ РЎЙХАТИДАН ЎТКАЗИШ ҲОЛАТИ ТЎҒРИСИДА 2013 ЙИЛ 23 МАРТДАН 29 МАРТГАЧА БЎЛГАН МАЪЛУМОТ.**

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

ЭЛЕКТРОН ХАРИДЛАР ТИЗИМИНИ МАҚБУЛЛАШТИРИШ ВА УЛАРДАН ТАДБИРКОРЛИК СУБЪЕКТЛАРИНИНГ ФОЙДАЛАНИШИНИ КЕНГАЙТИРИШ ТЎҒРИСИДА

(«Ўзбекистон Республикаси қонун ҳужжатлари тўплами», 2013 йил 15 апрелдаги 15 (567)-сон, 199-модда)

Энг аввало электрон шаклдаги корпоратив харидлар тизимига кичик бизнес ва хусусий тадбиркорлик субъектларини кенг жалб этиш учун қулай шароитлар яратиш, уларни амалга оширишда рақобатни ривожлантириш ва ошкораликни таъминлаш, табиий монополиялар субъектларининг товарлари ҳамда хизматлари нархларини мақбуллаштириш мақсадида:

1. Шундай тартиб ўрнатилсинки, унга мувофиқ 2013 йилнинг 1 майдан бошлаб:

устав жамғармасида давлат улуши 50 фоиздан ортиқ бўлган табиий монополия субъектлари, давлат унитар корхоналари ва ҳўжалик жамиятлари айрим турдаги товарларни (ишларни, хизматларни) бир шартнома бўйича эквиваленти 300 АҚШ долларидан 100 минг АҚШ долларигача бўлган миқдорда Ўзбекистон республика товар-хом ашё биржаси томонидан ташкил қилинадиган алоҳида савдо майдончасида электрон савдолар воситасида харид қиладилар;

Ўзбекистон республика товар-хом ашё биржаси томонидан ўтказиладиган электрон савдоларда давлат улуши устувор бўлган табиий монополия субъектлари, корхоналар ва ташкилотлар харид қиладиган товарлар (ишлар, хизматлар) рўйхати махсус Ҳукумат комиссияси томонидан белгиланади;

давлат улуши устувор бўлган табиий монополия субъектлари, корхоналар ва ташкилотлар товарлар (ишлар, хизматлар) етказиб берувчини аниқлаш санасидан камида 15 календарь кунидан аввал бўлажак харидлар тўғрисидаги ахборотни, шунингдек шартнома (контракт)лар тузилган кундан бошлаб уч кун ичида буюртмаларни жойлаштириш натижалари тўғрисидаги ахборотни Ўзбекистон республика товар-хом ашё биржасининг махсус ахборот порталида ва «Биржа» газетасида жойлаштиради, қонун ҳужжатларида назарда тутилган ҳоллар бундан мустасно;

Ўзбекистон республика товар-хом ашё биржаси махсус ахборот порталида буюртмаларни жойлаштириш тўғрисидаги ахборотдан, шунингдек биржа ва биржадан ташқари бозорларда юқори ликвидли товарлар турларининг сотилиши натижалари бўйича нарх-наволар тўғрисида йиғилган ахборотдан эркин фойдаланиш имкониятини таъминлайди.

2. Давлат улуши устувор бўлган табиий монополия субъектлари, корхоналар ва ташкилотларнинг электрон ха-

ридлири бўйича махсус Ҳукумат комиссияси 1-иловага* мувофиқ таркибда ташкил этилсин.

Қуйидагилар Ҳукумат комиссиясининг асосий вазифалари этиб белгилансин:

электрон харидлар жараёнига халқаро нормалар ва стандартларни жорий этишга кўмаклашиш;

Ўзбекистон республика товар-хом ашё биржасида ўтказиладиган электрон савдоларда давлат улуши устувор бўлган табиий монополия субъектлари, корхоналар ва ташкилотлар томонидан харид қилинадиган товарлар (ишлар, хизматлар) гуруҳи рўйхатини белгилаш;

электрон харидлар жараёнига кичик бизнес ва хусусий тадбиркорлик субъектларини янада фаол ва кенг кўламда жалб этиш учун қулай шарт-шароитлар яратиш;

электрон харидларни амалга оширишда ошкораликни таъминлаш юзасидан доимий мониторингни олиб бориш, рақобатни ривожлантиришни рағбатлантириш ва мазкур соҳада қонун ҳужжатларини такомиллаштириш бўйича зарур чора-тадбирларни ишлаб чиқиш ҳамда қабул қилиш.

Ўзбекистон Республикаси Хусусийлаштириш, монополиядан чиқариш ва рақобатни ривожлантириш давлат қўмитаси зиммасига Ҳукумат комиссиясининг ишчи органи вазифаси юклатилсин.

3. Давлат улуши устувор бўлган табиий монополиялар субъектлари, корхоналар ва ташкилотларнинг электрон харидлари бўйича Ҳукумат комиссияси тўғрисидаги низом 2-иловага* мувофиқ тасдиқлансин.

4. Ўзбекистон Республикаси Хусусийлаштириш, монополиядан чиқариш ва рақобатни ривожлантириш давлат қўмитаси Ўзбекистон республика товар-хом ашё биржаси билан биргаликда 2013 йилнинг 1 майгача:

«он-лайн» режимида электрон корпоратив харидларни амалга ошириш учун алоҳида савдо майдончаси тўла-тўқис фаолият юритишини таъминласин;

давлат улуши устувор бўлган табиий монополия субъектлари, корхоналар ва ташкилотлар ҳамда тадбиркорлик субъектлари эътиборига, ташкил этилган савдо майдончасидаги электрон савдоларда иштирок этиш қоидаларини, жумладан, оммавий ахборот воситалари орқали, маълумот учун етказсин.

5. Давлат улуши устувор бўлган табиий монополия

*1 ва 2-иловалар берилмайди.

субъектлари, корхоналар ва ташкилотларнинг ижро этувчи органлари раҳбарлари зиммасига электрон харидларни амалга оширишда ошкораликни таъминлаш ҳамда ушбу қарор талабларини бажариш юзасидан шахсий жавобгарлик юклатилсин.

6. Ўзбекистон Республикаси Президентининг ҳамда Ўзбекистон Республикаси Ҳукуматининг айрим қарорларига 3-иловага мувофиқ қўшимча ва ўзгартишлар киритилсин.

7. Ўзбекистон Республикаси Хусусийлаштириш, монополиядан чиқариш ва рақобатни ривожлантириш давлат қўмитаси Иқтисодиёт вазирлиги, Молия вазирлиги ҳамда Адлия вазирлиги билан биргаликда 2013 йилнинг 1 майига:

Ўзбекистон республика товар-хон ашё биржасида электрон савдоларни ташкил қилиш ва ўтказиш тартиби тўғрисидаги низомни;

қонун ҳужжатларига мазкур қарордан келиб чиқадиган ўзгартиш ва қўшимчалар ҳақидаги таклифларни Ўзбекистон Республикаси Вазирлар Маҳкамасига киритсин.

8. Ушбу қарорнинг ижросини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Ўзбекистон Республикаси Президенти
И.КАРИМОВ.

Тошкент ш.,
2013 йил 5 апрель
ПҚ-1948-сон.

ЎзР Президентининг 2013 йил 5 апрелдаги ПҚ-1948-сонли қарорига
3-ИЛОВА

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ВА ЎЗБЕКИСТОН РЕСПУБЛИКАСИ ҲУКУМАТИНИНГ АЙРИМ ҚАРОРЛАРИГА КИРИТИЛАДИГАН ҚЎШИМЧА ВА ЎЗГАРТИШЛАР

1. Ўзбекистон Республикаси Президентининг «Давлат харидлари тизимини мақбуллаштириш ва уларга кичик бизнес субъектларини жалб этишни кенгайтириш тўғрисида» 2011 йил 7 февралдаги ПҚ-1475-сонли қарорига:

а) 2-бандининг олтинчи хатбоши қуйидаги таҳрирда баён этилсин:

«марказлаштирилган манбалар ҳисобидан давлат харидларини амалга ошираётган барча ташкилотлар махсус ахборот порталида товар (иш, хизмат)лар етказиб берувчини аниқлаш ёки тендер (тендер савдолари) ўтказиш санасидан камидан 30 кун аввал бўлажак харидлар тўғрисидаги эълонларни, шунингдек шартнома (контракт)лар тузилган кундан бошлаб уч кун ичида буюртмаларни жойлаштириш натижалари тўғрисидаги ахборотни беришлари шарт, қонун ҳужжатларида назарда тутилган ҳоллар бундан мустасно»;

б) 5-бандининг тўртинчи хатбоши қуйидаги таҳрирда баён этилсин:

«Ўзбекистон республика товар-хон ашё биржасининг давлат харидлари бўйича биржа савдоси қатнашчиларидан ундириладиган комисион йиғим миқдори ҳар икки тарафдан битим суммасининг 0,05 фоизидан ошмаслиги лозим, етказиб берувчиларнинг зақалат миқдори эса Давлат харидлари бўйича Ҳукумат комиссияси томонидан белгиланади»;

в) 2-илованинг 6-банди:

қуйидаги мазмундаги еттинчи хатбоши билан тўлдирилсин: «етказиб берувчиларнинг зақалат миқдорини белгилаш»; еттинчи хатбоши саккизинчи хатбоши деб ҳисоблансин.

2. Ўзбекистон Республикаси Президентининг «Давлат ва хўжалик бошқаруви органларининг тузилмасини янада такомиллаштириш ва бошқарув ходимлари сонини мақбуллаштириш чора-тадбирлари тўғрисида» 2012 йил 3 декабрдаги ПҚ-1871-сонли қарори 3-иловасининг VII бўлимидан 9-сатри чиқариб ташлансин.

3. Вазирлар Маҳкамасининг «Товар-хон ашё биржалари фаолиятини такомиллаштиришга доир қўшимча чора-тадбирлар тўғрисида» 2004 йил 31 майдаги 251-сонли қарорининг (Ўзбекистон Республикаси ҚТ, 2004 й., N 5, 50-модда) 9-банди тикланиб, қуйидаги таҳрирда баён этилсин:

«9. «Ўзбекистон республика товар-хон ашё биржаси» очиқ акциядорлик жамиятининг Кузатув кенгашига мустақил равишда биржанинг ташкилий тузилмасини тасдиқлаш ва ходимлар сонини белгилаш ҳуқуқи берилсин».

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ «САНОАТ КООПЕРАЦИЯСИ АСОСИДА ТАЙЁР МАҲСУЛОТЛАР, БУТЛОВЧИ БУЮМЛАР ВА МАТЕРИАЛЛАР ИШЛАБ ЧИҚАРИШНИ МАҲАЛЛИЙЛАШТИРИШНИ ЧУҚУРЛАШТИРИШГА ДОИР ҚЎШИМЧА ЧОРА-ТАДБИРЛАР ТЎҒРИСИДА» 2009 ЙИЛ 1 ДЕКАБРДАГИ ПҚ-1236-СОНЛИ ҚАРОРИГА ҚЎШИМЧА ВА ЎЗГАРТИШЛАР КИРИТИШ ТЎҒРИСИДА

(«Ўзбекистон Республикаси қонун ҳужжатлари тўплами», 2013 йил 15 апрелдаги 15 (567)-сон, 200-модда)

Ўзбекистон Республикаси Президентининг «Мамлакатимизда ишлаб чиқарилган маҳсулотларнинг рақобатдошлигини янада ошириш ва товарларни республикага ноқонуний олиб киришга қарши курашни кучайтириш тўғрисида» 2013 йил 29 январдаги ПҚ-1913-сонли қарорига мувофиқ:

1. Ўзбекистон Республикаси Президентининг «Саноат кооперацияси асосида тайёр маҳсулотлар, бутловчи буюмлар ва материаллар ишлаб чиқаришни маҳаллийлаштиришни чуқурлаштиришга доир қўшимча чора-тадбирлар тўғрисида» 2009 йил 1 декабрдаги ПҚ-1236-сонли қарорининг 3-банди:

а) қуйидаги мазмундаги учинчи хатбоши билан тўлдирилсин:

«худудий ва тармоқ саноат ярмаркаларини ҳамда уларнинг доирасида - мамлакатимизда ишлаб чиқарилган истеъмол товарлари ярмаркаларини ўтказишни ташкиллаштириш»;

б) учинчи-саккизинчи хатбошилар тегишли равишда тўртинчи-тўққизинчи хатбошилар деб ҳисоблансин.

2. Мазкур қарорнинг ижросини назорат қилиш Ўзбекистон Республикаси Бош вазирининг биринчи ўринбосари Р.С.Азимов зиммасига юклансин.

Ўзбекистон Республикаси Президенти
И.КАРИМОВ.

Тошкент ш.,
2013 йил 8 апрель
ПҚ-1949-сон.

**ЎЗБЕКИСТОН РЕСПУБЛИКАСИ ҲУКУМАТИНИНГ АЙРИМ ҚАРОРЛАРИГА
ҚЎШИМЧАЛАР ВА ЎЗГАРТИРИШЛАР КИРИТИШ ТЎҒРИСИДА (ЎЗБЕКИСТОН
РЕСПУБЛИКАСИ ПРЕЗИДЕНТИНИНГ «МАМЛАКАТИМИЗДА ИШЛАБ ЧИҚАРИЛГАН
МАҲСУЛОТЛАРНИНГ РАҚОБАТДОШЛИЛИГИНИ ЯНАДА ОШИРИШ ВА ТОВАРЛАРНИ
РЕСПУБЛИКАГА НОҚОНУНИЙ ОЛИБ КИРИШГА ҚАРШИ КУРАШНИ КУЧАЙТИРИШ
ТЎҒРИСИДА» 2013 ЙИЛ 29 ЯНВАРДАГИ ПҚ-1913-СОН ҚАРОРИ)**

(«Ўзбекистон Республикаси қонун ҳужжатлари тўплами», 2013 йил 15 апрелдаги, 15 (567)-сон, 201-модда)

Ўзбекистон Республикаси Президентининг «Мамлакатимизда ишлаб чиқарилган маҳсулотларнинг рақобатдошлилигини янада ошириш ва товарларни республикага ноқонуний олиб киришга қарши курашни кучайтириш тўғрисида» 2013 йил 29 январдаги ПҚ-1913-сон қарорига мувофиқ Вазирлар Маҳкамаси қарор қилади:

1. Ўзбекистон Республикаси Ҳукуматининг иловага мувофиқ айрим қарорларига қўшимчалар ва ўзгартиришлар киритилсин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С.Азимов зиммасига юклансин.

Ўзбекистон Республикасининг Бош вазири
Ш.МИРЗИЁЕВ.

Тошкент ш.,
2013 йил 8 апрель
100-сон.

ЎзР ВМнинг 2013 йил 8 апрелдаги 100-сон қарорига
ИЛОВА

**ЎЗБЕКИСТОН РЕСПУБЛИКАСИ ҲУКУМАТИНИНГ
АЙРИМ ҚАРОРЛАРИГА КИРИТИЛАЁТГАН ҚЎШИМЧАЛАР ВА ЎЗГАРТИРИШЛАР**

1. Вазирлар Маҳкамасининг 2000 йил 21 ноябрдаги 456-сон қарори (Ўзбекистон Республикаси ҚТ, 2000 й., 11-сон, 72-модда) билан тасдиқланган Хом ашё, материаллар, бутловчи буюмлар ва асбоб-ускуналар харид қилиш бўйича тендер савдолари ўтказиш тўғрисидаги Низомда:

а) 5-1-бандга қуйидаги мазмундаги 10-кичик банд қўшилсин:

«10) Халқаро саноат ярмаркаси ва Кооперация биржаси, шунингдек ҳудудий ва тармоқ саноат ярмаркалари доирасида асбоб-ускуналар, бутловчи буюмлар, қайта ишланган хом ашё ва материаллар, шу жумладан мамлакатимиз корхоналари томонидан ишлаб чиқарилган истеъмол товарларини харид қилиш»;

б) 5-3 ва 5-4-бандлардаги «1, 3-9-кичик бандларидаги» сўзлари «1, 3-10-кичик бандларидаги» сўзлари билан алмаштирилсин.

2. Вазирлар Маҳкамасининг 2009 йил 28 декабрдаги 335-сон қарори (Ўзбекистон Республикаси ҚТ, 2009 й., 12-сон, 81-модда) билан тасдиқланган Ўзбекистон Республикаси Ташқи иқтисодий алоқалар, инвестициялар ва савдо вазирлиги ҳузуридаги Халқаро саноат ярмаркаси ва Кооперация биржаси дирекцияси фаолиятини ташкил этиш тартиби тўғрисидаги Низомда:

а) 2-банд қуйидаги тахрирда баён қилинсин:

«2. Халқаро саноат ярмаркаси ва Кооперация биржаси, ҳудудий ва тармоқ саноат ярмаркалари ҳамда улар доирасида мамлакатимизда ишлаб чиқарилган истеъмол товарлари ярмаркалари (кейинги ўринларда Халқаро саноат ярмаркаси ва Кооперация биржаси деб аталади) хўжалик юритувчи субъектларни, шу жумладан хорижий харидорларни республикада ишлаб чиқарилаётган маҳсулотлар тўғрисида кенг хабардор қилиш, шерикларни излаб топишда ҳамда ўзи ишлаб чиқарган маҳсулотларни етказиб бериш юзасидан мамлакатимиз ишлаб чиқарувчилари ўртасида хўжалик шартномалари, шунингдек маҳсулотларни экспортга етказиб бериш учун шартномалар тузишда ёрдам кўрсатиш мақсадида ҳар йили ўтказилади»;

б) 7-бандда:

ўнинчи хатбошидан кейин қуйидаги мазмундаги хатбоши қўшилсин:

«Халқаро саноат ярмаркаси ва Кооперация биржаси, ҳудудий ва тармоқ саноат ярмаркалари доирасида истеъмол қилишга мўлжалланган маҳсулотларни етказиб бериш юзасидан тузилган шартномаларни рўйхатдан ўтказиш»;

ўн биринчи-ўн олтинчи хатбошилар тегишли равишда ўн иккинчи-ўн еттинчи хатбошилар деб ҳисоблансин.

**ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ, ДАВЛАТ СОЛИҚ ҚЎМИТАСИНИНГ
ҚАРОРИ**

**«АВТОМОБИЛЛАРГА ЁНИЛҒИ ҚУЙИШ ШОХОБЧАЛАРИ ТОМОНИДАН МАҲАЛЛИЙ
БЮДЖЕТГА НЕФТЬ МАҲСУЛОТЛАРИНИНГ ЧАКАНА НАРХИ БИЛАН БЕЛГИЛАНГАН
ЧЕКЛАНГАН УСТАМАДАН ОРТИҚ БЎЛГАН ХАРИД НАРХИ ЎРТАСИДАГИ ТАФОВУТНИ
ҲИСОБЛАБ ЧИҚИШ ВА ТЎЛАШ ТАРТИБИ ТЎҒРИСИДАГИ НИЗОМНИ ТАСДИҚЛАШ
ҲАҚИДА»ГИ ҚАРОРНИ ЎЗ КУЧЕНИ ИЎҚОТГАН ДЕБ ТОПИШ ТЎҒРИСИДА**

Ўзбекистон Республикаси Адлия вазирлиги томонидан 2013 йил 9 апрелда рўйхатдан ўтказилган.

Рўйхат рақами 2381-1.

(«Ўзбекистон Республикаси қонун ҳужжатлари тўплами», 2013 йил 15 апрелдаги 15 (567)-сон, 210-модда)

Ўзбекистон Республикаси Вазирлар Маҳкамасининг 2013 йил 7 мартдаги 69-сон «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек баъзиларини ўз кучини йўқотган деб ҳисоблаш тўғрисида»ги қарорига (Ўзбекистон Республикаси қонун ҳужжатлари тўплами, 2013 й., 11-сон, 141-модда) мувофиқ Ўзбекистон Республикаси Молия вазирлиги ва Давлат солиқ қўмитаси қарор қиладилар:

1. Ўзбекистон Республикаси Молия вазирлиги ва Давлат солиқ қўмитасининг 2012 йил 29 июндаги 51, 2012-22-сон

«Автомобилларга ёнилғи қуйиш шохобчалари томонидан маҳаллий бюджетга нефть маҳсулотларининг чакана нархи билан белгиланган чекланган устамадан ортиқ бўлган харид нархи ўртасидаги тафовутни ҳисоблаб чиқиш ва тўлаш тартиби тўғрисидаги низомни тасдиқлаш ҳақида»ги қарори (рўйхат рақами 2381, 2012 йил 25 июль) (Ўзбекистон Республикаси қонун ҳужжатлари тўплами, 2012 й., 30-сон, 352-модда) ўз кучини йўқотган деб топилсин.

2. Мазкур қарор расмий эълон қилинган кундан эътиборан кучга киради.

Молия вазири
Р.АЗИМОВ.
34-сон

Тошкент ш., 2013 йил 2 апрель.

Давлат солиқ қўмитаси раиси
Б.ПАРПИЕВ.
2013-20-сон

**МАХСУС ИНВЕСТИЦИЯ УСТАМА ҲАҚИНИ «ЎЗБЕКНЕФТГАЗ» МХКнинг МАХСУС
СЧЁТИГА ЎТКАЗИШ ТАРТИБИ ТЎҒРИСИДАГИ НИЗОМНИ ТАСДИҚЛАШ ҲАҚИДА**

Ўзбекистон Республикаси Адлия вазирлиги томонидан 2013 йил 12 апрелда рўйхатдан ўтказилган.

Рўйхат рақами 2451.

(«Ўзбекистон Республикаси қонун ҳужжатлари тўплами», 2013 йил 15 апрелдаги, 15 (567)-сон, 214-модда)

Ўзбекистон Республикаси Президентининг 2012 йил 25 декабрдаги ПҚ-1887-сон «Ўзбекистон Республикасининг 2013 йилги асосий макроиқтисодий кўрсаткичлари ва Давлат бюджети параметрлари тўғрисида»ги қарорнинг (Ўзбекистон Республикаси қонун ҳужжатлари тўплами, 2012 й., 52-сон, 587-модда) 4-бандига мувофиқ Ўзбекистон

Республикаси Молия вазирлиги, Иқтисодиёт вазирлиги ва Давлат солиқ қўмитаси қарор қиладилар:

1. Махсус инвестиция устама ҳақини «Ўзбекнефтгаз» МХКнинг махсус счётига ўтказиш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

Молия вазири
Р.АЗИМОВ.
26-сон

Иқтисодиёт вазири
Г.САИДОВА.
25-сон

Давлат солиқ қўмитасининг раиси
Б.ПАРПИЕВ.
2013-12-сон

Тошкент ш., 2013 йил 12 март.

**ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ ҚЎМИТАЛАРИ ВА
ИДОРЛАРНИНГ НОРМАТИВ-ҲУҚУҚИЙ ҲУЖЖАТЛАРИНИ ДАВЛАТ РЎЙХАТИДАН ЎТКАЗИШ ҲОЛАТИ
ТЎҒРИСИДА 2013 ЙИЛ 23 МАРТДАН 29 МАРТГАЧА БЎЛГАН МАЪЛУМОТНИ МАЪЛУМ ҚИЛАДИ**

I. ДАВЛАТ РЎЙХАТИДАН ЎТКАЗИЛДИ:

1. «Фан доктори илмий даражасини берувчи илмий кенгаш тўғрисидаги низомни тасдиқлаш ҳақида» *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2013 йил 31 январдаги 195/3-сонли қарори.*

2013 йил 25 мартда рўйхатдан ўтказилди, рўйхат рақами 2440.

2. «Фан доктори илмий даражасини бериш тартиби тўғрисидаги низомни тасдиқлаш ҳақида» *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2013 йил 31 январдаги 195/2-сонли қарори.*

2013 йил 25 мартда рўйхатдан ўтказилди, рўйхат рақами 2441.

3. «Малакавий имтиҳонларни ўтказиш тартиби тўғрисидаги низомни тасдиқлаш ҳақида» *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2013 йил 31 январдаги 195/6-сонли қарори.*

2013 йил 25 мартда рўйхатдан ўтказилди, рўйхат рақами 2442.

4. «Эксперт кенгаши тўғрисидаги низомни тасдиқлаш ҳақида» *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2013 йил 31 январдаги 195/5-сонли қарори.*

2013 йил 25 мартда рўйхатдан ўтказилди, рўйхат рақами 2443.

5. «Илмий унвонлар бериш тартиби тўғрисидаги низомни тасдиқлаш ҳақида» *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг 2013 йил 31 январдаги 195/4-сонли қарори.*

2013 йил 25 мартда рўйхатдан ўтказилди, рўйхат рақами 2444.

6. «Енгил саноат корхоналари ходимлари учун махсус кийим, махсус пойабзал ва якка тартибда ҳимояланишнинг бошқа воситаларини бепул беришнинг намунавий нормаларини тасдиқлаш ҳақида» *Ўзбекистон Республикаси меҳнат ва аҳолини ижтимоий муҳофаза қилиш вазирининг 2013 йил 4 мартдаги 15-Б-сонли буйруғи.*

2013 йил 28 мартда рўйхатдан ўтказилди, рўйхат рақами 2445.

7. «Ўзбекистон Республикаси божхона худудида эркин сотишга мўлжалланган ишлаб чиқариш-техника товарлари ва маҳсулотларини божхонада расмийлаштириш тартиби ўз кучини йўқотган деб топиш тўғрисида» *Ўзбекистон Республикаси Ташқи иқтисодий алоқалар, инвестициялар ва савдо вазирлиги, Молия вазирлиги, Давлат божхона қўмитасининг 2013 йил 14 мартдаги 5, 27, 01-02/12-13-сонли қарори.*

2013 йил 28 мартда рўйхатдан ўтказилди, рўйхат рақами 472-1.

8. «Нобанк кредит ташкилотларида жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бўйича ички назорат қоидаларини тасдиқлаш ҳақида»ги қарорга ўзгартириш ва қўшимчалар киритиш тўғрисида» *Ўзбекистон Республикаси Марказий банки Бошқаруви, Бош прокуратура ҳузуридаги солиқ, валютага оид жиноятларга ва жиноий даромадларни легаллаштиришга қарши курашиш департаментининг 2013 йил 16 февралдаги 4/2, 6-сонли қарори.*

2013 йил 28 мартда рўйхатдан ўтказилди, рўйхат рақами 2027-3.

II. ДАВЛАТ РЕЕСТРИДАН ЧИҚАРИЛДИ:

1. «Ихтисослашган кенгаш ҳақида низом», 1-2-сон ўзгартириш ва қўшимчалар (рўйхат рақами 260, 1996 йил 10 июль), (рўйхат рақами 260-1, 2003 йил 12 август), (рўйхат рақами 260-2, 2010 йил 20 январь). *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг қарори билан тасдиқланган.*

Адлия вазирининг 2013 йил 25 мартдаги 85-мх-сон буйруғи билан давлат реестридан чиқарилди.

2. «Илмий даражалар бериш тартиби тўғрисида низом», 1-3-сон ўзгартириш ва қўшимчалар (рўйхат рақами 261, 1996 йил 10 июль), (рўйхат рақами 261-1, 2003 йил 12 август), (рўйхат рақами 261-2, 2004 йил 29 январь), (рўйхат рақами 261-3, 2010 йил 23 январь). *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг қарори билан тасдиқланган.*

Адлия вазирининг 2013 йил 25 мартдаги 86-мх-сон буйруғи билан давлат реестридан чиқарилди.

3. «Номзодлик имтиҳонларини ўтказиш тартиби тўғрисидаги низом», 1-сон ўзгартириш ва қўшимчалар (рўйхат рақами 1356, 2004 йил 18 май), (рўйхат рақами 1356-1, 2010 йил 13 апрель). *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг қарори билан тасдиқланган.*

Адлия вазирининг 2013 йил 25 мартдаги 87-мх-сон буйруғи билан давлат реестридан чиқарилди.

4. «Эксперт кенгаши тўғрисида низом», 1-2-сон ўзгартириш ва

қўшимчалар (рўйхат рақами 263, 1996 йил 10 июль), (рўйхат рақами 263-1, 2003 йил 12 август), (рўйхат рақами 263-2, 2010 йил 20 январь). *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг қарори билан тасдиқланган.*

Адлия вазирининг 2013 йил 25 мартдаги 88-мх-сон буйруғи билан давлат реестридан чиқарилди.

5. «Илмий унвонлар бериш тўғрисида низом», 1-2-сон ўзгартириш ва қўшимчалар (рўйхат рақами 262, 1996 йил 10 июль), (рўйхат рақами 262-1, 2003 йил 12 август), (рўйхат рақами 262-2, 2010 йил 23 январь). *Ўзбекистон Республикаси Вазирлар Маҳкамаси ҳузуридаги Олий аттестация комиссияси Раёсатининг қарори билан тасдиқланган.*

Адлия вазирининг 2013 йил 25 мартдаги 89-мх-сон буйруғи билан давлат реестридан чиқарилди.

6. «Ўзбекистон Республикаси божхона худудида эркин сотишга мўлжалланган ишлаб чиқариш-техника товарлари ва маҳсулотларини божхонада расмийлаштириш тартиби» (рўйхат рақами 472, 1998 йил 11 август). *Ўзбекистон Республикаси Ташқи иқтисодий алоқалар вазирлиги, Молия вазирлиги, Давлат божхона қўмитаси томонидан тасдиқланган.*

Адлия вазирининг 2013 йил 28 мартдаги 91-мх-сон буйруғи билан давлат реестридан чиқарилди.

БИРГАЛИКДА ОРТТИРИЛГАНИ – УМУМИЙ МУЛК

Эр-хотин никоҳ вақтида сотиб олган барча мол-мулк уларнинг биргаликдаги умумий мол-мулки ҳисобланади деб эшитганман. Квартира, ер участкаси, бошқа кўчмас мулк нима бўлади? Ахир улар эр-хотиннинг фақат биттасига расмийлаштиради-ку. Улар ҳам умумий мулк ҳисобланадими?

Фотима Д.



– Оила кодекси (ОК)нинг 23-моддасига кўра эр ва хотиннинг никоҳ давомида орттирган мол-мулклари, шунингдек никоҳ қайд этилгунга қадар, бўлажак эр-хотиннинг умумий маблағлари ҳисобига олинган мол-мулклари, агар қонун ёки никоҳ шартномасида бошқача ҳол кўрсатилмаган бўлса, уларнинг биргаликдаги умумий мулки ҳисобланади.

Эр ва хотин уларнинг биргаликдаги умумий мулки бўлган мол-мулкка эгаллик қилиш, ундан фойдаланиш ва уни тасарруф ишда тенг ҳуқуқларга эгадир. Шуниси эътиборлики, эр ва хотиннинг никоҳ вақтида сотиб олган квартира ёки бошқа кўчмас мулки, улар эр ёки хотиндан бирининг номига расмийлаштирилган ёхуд пул маблағлари кимнинг номига ёки эр ва хотиннинг қайси бири томонидан киритилган бўлишидан қатъи назар эр ва хотиннинг биргаликдаги умумий мол-мулки

ҳисобланади. Шунинг учун эр-хотин томонидан никоҳ пайтида сотиб олинган квартира ёки бошқа кўчмас мулк кимнинг номига расмийлаштирилишидан қатъи назар, умумий биргаликдаги мулк ҳисобланади.

Эр ва хотиндан бири уй-рўзғор ишларини юритиш, болаларни парвариш қилиш билан банд бўлган ёки бошқа узрли сабабларга кўра мустақил иш ҳақи ва бошқа даромадга эга бўлмаган тақдирда ҳам эр ва хотин умумий мол-мулкка нисбатан тенг ҳуқуққа эга бўлади. Ушбу меъёр асосан ишламайдиган аёлларнинг қонуний ҳуқуқларини ҳимоя қилишга йўналтирилган. Шу тариқа, уларнинг уй-рўзғор юритиши, ОКнинг 2-моддаси билан мустаҳкамланган эр ва хотиннинг меҳнатига тенглаштирилади. Уй ҳўжалигини юритиш аънамага кўра оиланинг фаровонлигига гоятда муҳим ҳисса сифатида қаралган ва қаралмоқда.

Эр ва хотиннинг биргаликдаги мулки (уларнинг умумий мол-мулки) – улар биргаликда харид қилган, миқдорига кўра турлича моддий бойликларни битта яхлит нарсага бирлаштириш натижасидир. Бунда уларнинг ҳар бири ушбу мол-мулкни харид қилишга қанча маблағ қўшганлигининг аҳамияти йўқ. Ҳатто эр ва хотиннинг даромадлари ўртасида катта фарқ бўлса ёки даромадларнинг ҳаммасини улардан бири ишлаб топган бўлса ҳам шундайдир.

Шу тариқа эр-хотиннинг умумий мол-мулкка доир ҳуқуқи уларнинг ҳар бири уни харид қилишга қўшган ҳиссаси миқдоридан қатъи назар тенгдир.

Эр-хотиннинг биргаликдаги қонуний мулки ҳисобланган уй-жой, квартира, уй-жой ёки квартиранинг бир қисмидан бошқа шахс фойдасига воз кечиш бўйича битимларни амалга ошириш учун нотариус ёки Ўзбекистон Республикасининг хориждаги консуллик муассалари консуллари томонидан тасдиқланган, эр (хотин)нинг уй-жой, квартира, уй-жой ёки квартиранинг бир қисмидан бошқа шахс фойдасига воз кечишга ёзма аризаси талаб қилинади. «Нотариат тўғрисида»ги Қонуннинг (26.12.1996 йилдаги 343-1-сон) 62-моддасига кўра нотариус эр-хотиннинг ёзма аризасига мувофиқ улардан бирига ёки ҳар иккисига никоҳ давомида орттирилган умумий мол-мулкдаги улушга бўлган мулк ҳуқуқи тўғрисида гувоҳнома беради.

Ленара ХИКМАТОВА,
юрист.

Ҳамдўстликда

СОДДАЛАШТИРИЛГАН ТИЗИМ ЯНАДА СОДДАЛАШДИ

2013 йил 1 январдан бошлаб Белоруссияда Солиқ кодексининг янги таҳрири кучга кирди, у солиқ солишнинг соддалаштирилган тизимини (СССТ) қўллаш шартларини яхшилади. Биринчи навбатда соддалаштирилган солиқ ставкалари ўзгартирилди. Чунончи, ҚҚС тўловчилари учун у 5%дан 3%га, уни тўламайдиганлар учун 7%дан 5%га пасайтирилди.

Бир вақтнинг ўзида бекор қилинадиган ялпи даромаддан СССТ чоғида солиқнинг 15 фоизлик ставкаси ходимлари сони 15 кишидан ва ялпи тушуми 4,1 млрд белорус рублидан ошмайдиган ҚҚС тўламайдиганлар учун 3 фоизлик ставка билан алмаштирилди, ушбу ставка харид қилинган товарларнинг чакана савдосида реализация қилишдан олиннадиган тушумга нисбатан қўлланади. Ушбу ўзгартиришларнинг натижаси ялпи тушум тарзида ягона солиқ базасини белгилаш, шунингдек СССТ чоғида солиқ ставкалари миқдорини 6 дан 4 гача қисқартириш бўлди, бу эса нафақат соддалаштирилган тизимдагиларга солиқ юкини камайтирди, балки тизимни бошқаришни соддалаштирди ҳам.

Ҳўжалик юритувчи субъектларга ҚҚС тўламасдан соддалаштирилган тизимни қўллаш учун мезонлар оширилди. Уни 8,2 млрд рублгача ялпи тушумга эга бўлган ва ходимлари сони 15 дан 50 кишига қадар бўлган солиқ тўловчилар қўллай оладилар (1 январгача улар тегишинча 3,4 млрд рубль ва 15 кишини ташкил этган). Шунингдек даромадлар ва харажатларни ҳисобга олиш дафтарида бухгалтерия ҳисобини юритишни хоҳловчилар учун ялпи тушум мезони 3,4 млрд рублдан 4,1 млрд рублгача кўпайтирилди.

Соддалаштирилган тизимдагилар учун Солиқ кодексига белгиланган ҳолатлар мавжуд бўлганда мол-мулк солигини тўлаш мажбурияти жорий этилди.

Солиқ солишнинг соддалаштирилган тизимидаги жиддий ўзгартириш солиқ базасини ҳисоблаб чиқариш тартибига тааллуқлидир. Чунончи, бухгалтерия ҳисобини юритувчи ташкилотлар тушумни ҳисоблаб ёзиш қоидаси бўйича, уни даромадлар ва харажатларни ҳисобга олиш дафтарида амалга оширадиган субъектлар эса тўлаш қоидаси бўйича белгилайдилар.

Ўтган йил охирида солиқ солишнинг соддалаштирилган тизимини қўлловчиларнинг улуши Беларусда ташкилотлар ва яқка тартибдаги тадбиркорларнинг умумий сонига 35%га яқинни ташкил қилди. Улар тушумлари ҳажмларининг ўсиши аввалги йилнинг ҳудди шундай даврига нисбатан қарийб 4%ни ташкил қилди.

НАҚД ПУЛ КАМАЯДИ


Белоруссия Миллий банки қиймати базавий миқдор ҳажмидан 100 баравар ва ундан кўп баравар ошадиган товарлар ва хизматларга нақд пул билан ҳақ тўлашни тақиқлашни тақлиф қилди, бу ҳажм 100 минг белорус рублини ташкил этади, у расмий курс бўйича 11,7 доллар ёки 9,15 еврога тенг. Шу тариқа, республикада 1 170 доллар ёки 915 евродан қиммат турадиган харидларга нақд пул билан ҳақ тўлаш тақиқланиши мумкин. Ташаббускорлар ушбу тақиқ халқаро тажрибага мувофиқ келади деб таъкидлашапти. Чунончи, Италияда 1 000 евро, Грецияда 1 500, Францияда эса 3 000 евродан қиммат бўлган харидларга нақд пул билан ҳақ тўлашга рухсат берилмайди. Бундан ташқари, харидорга у нақд пулсиз ҳақ тўлаган харидини қайтарган тақдирда нақд пул беришни тақиқлаш режалаштириляпти.

Хорижий матбуот материалларидан.

Реклама

ЯШАШ УЧУН ВАГОНЧАЛАР

Ҳар хил турдаги вагончаларни ишлаб чиқариш Махсулот сертификатланган



Тел. (+99890) 999-07-06, 253-39-99
E-mail: dmitriy@modul-stroy.uz

Эълонлар

ИШ

«БЕКОБОДШИФЕР» МЧЖ ХҚдаги бўш иш ўринларига қуйидаги мутахассислар керак:

1. **Бош муҳандис**, олий маълумотли, камида 5 йиллик иш стажи бўлган, фойдаланувчи даражасида шахсий компьютерда ишлаш кўникмасига эга, ўзбек ва рус тилларини, лугат бўйича инглиз тилини биладиган. Тўлов – контракт бўйича.

2. **Бош энергетик**, олий маълумотли, камида 5 йиллик иш стажи бўлган, фойдаланувчи даражасида шахсий компьютерда ишлаш кўникмасига эга, ўзбек ва рус тилларини биладиган. Тўлов – контракт бўйича.

3. **Лабораториядаги ТНБ (ОТК) бошлиғи**, олий маълумотли, камида 5 йиллик иш стажи бўлган, фойдаланувчи даражасида шахсий компьютерда ишлаш кўникмасига эга, ўзбек ва рус тилларини биладиган. Тўлов – контракт бўйича.

4. **5-6-разрядли НҲУ (КИП) ва Автоматика бўйича мутахассис**. Тўлов – контракт бўйича.

5. **5-6-разрядли гидравлика бўйича мутахассис**. Тўлов – контракт бўйича.
Тел.: (8 370) 2-51-81, (+998 91) 162-05-25.

ИЖАРА

200 м² ишлаб чиқариш хонаси ижарага берилади. Тел.: 932-08-48, 233-47-72.

ЮРИДИК ХИЗМАТЛАР

Кўчмас мулк бўйича юрист маслаҳатлари. Кадастр*. Тел. 346-16-89.

ADVOKAT ELITE. Судларда вакиллик қилиш. Корхоналар, ваколатхоналарни рўйхатдан ўтказиш, қайта ташкил этиш ва уларга юридик хизмат кўрсатиш*. Тел.: 281-52-39, 346-16-89.

ХИЗМАТЛАР

Буюртмачи чизмаларига кўра металл яшиқлар тайёрлаймиз.
Тел.: 932-08-48, 233-47-72.

Объектларни кўриқлаш.
Тел.: 542-17-65, 508-74-34.

Ташкилотлар учун компьютер ва маиший техникани ҳисобдан чиқариш учун ҳужжатларни тайёрлаш. Тўлов исталган шаклда.
Тел.: 236-76-46, 233-74-95, 233-17-56.


*Хизматлар лицензияланган. Товар сертификатланган.

Криминалист эксперт ён дафтаридан

КАРНАЙЧИДАН БИР ПУФ КЕТДИ

ЁКИ ТУППА-ТУЗУК ИШЛАТИБ КЕЛИНАЁТГАН ВАГОНЛАРНИ ТЕМИР-ТЕРСАККА ТОПШИРМОҚЧИ БЎЛИШГАНИ ҲАҚИДА

Ёши улугроқ кишилар яхши эшлади: ўтган асрнинг 90-йилларида кўпчилик тирикчилик умидида ҳар нарсага уриниб кўрди. Баъзилар шаҳарма-шаҳар, мамлакатма-мамлакат қатнаб, нарса олиб келиб сотди. Виждонини тамоман йўқотган шундай одамлар ҳам бўлдики, улар қабристонлардаги металл четанларни ҳам кўпориб олиб келиб, темир-терсакка топширдилар.



Аммо бунақа майда-чуйдаларни ўзига эп билмайдиган олғирлар ҳам топилиб қолди. Бутун-бутун темир йўл вагонлари ва цистерналарни темир-терсак учун топшириш мумкин бўлган бир паллада металл четанлар нима бўпти? Ўша йиллари темир-терсакка топшириш билан боғлиқ иш бўйича экспертиза ўтказишимизга тўғри келган эди. Ўшанда таназзулга юз тутаёзган йирик корхоналардан бирида бир гуруҳ олғирлар яқин-яқинларгача ишлатиб келинган вагонлар, темирйўл платформалари ва цистерналарни эски, хизмат муддатини ўтаб бўлган қилиб кўрсатишга уринганди. Агар режаси амалга ошса, улар бу вагон, платформа ва цистер-

наларни темир-терсакка топшириб, мўмайгина пул ишлаб оларди.

Вагонлар ва цистерналардан фойдаланиш муддати 50 йилнинг нари-берисиди. Муддатини ўтаб бўлмаганларини эса, табиийки, темир-терсакка топшириб бўлмайди.

Ҳар бир вагонда, цистернада ва платформада тартиб рақами ва ишлаб чиқарилган санаси бўёқ билан кўрсатилган бўлади. Фирибгарлар ана шу ёзувларининг устидан бўёқ тортиб, жуда эски вагонларнинг чиқарилган санасини, ўша вагонларнинг тартиб рақамини қайд этиб кўйганлар. Бу ёзувларга қараганда, улар аллақачон ярим асрлик хизматини ўтаб бўлган бўлиб чиқади.

Тергов идорасига заводдаги ана шу фирибгарлик, кўзбўямачилик ҳақида ахборот тушгач, даставвал ҳужжатлар текшириб кўрилди. Ҳужжатларга қараганда, ҳаммаси рисоладагидек: тартиб рақамлари вагонда қайд этилган унинг ишлаб чиқарилган санасига мос. Бироқ терговчи ҳисобдан чиқарилиб темир-терсак учун топширишга тайёрлаб кўйилган вагонлар, ци-

стерналар ва платформаларни кўздан кечиргач, криминалистик экспертиза тайинлаш учун асослар борлигига ишонч ҳосил қилди. Гап шундаки, улардаги тамғалар 50 йил бурун ёзилганга ўхшамас, анча янги кўринарди. Гумон қилинувчилар эски ёзувлар ўчиб кетгани учун уларни янгилашган дейишди. Хуллас, вагонлар, цистерналар ва платформаларнинг тартиб рақами ҳамда чиқарилган санаси ўзгартирилган-ўзгартирилмаганлигини, бўялган-бўялмаганлигини экспертлик йўли билан текшириб кўриш керак эди.

Ана шу масалаларни ҳал этиш учун трассологик экспертиза ва суд-кимё экспертизаси тайинланди. Тўрт аёл – икки нафар трассолог эксперт ва икки нафар суд кимёгарига 30 дан ортиқ объектни текширишга топширишди.

Ўшанда июль ойининг охирилари эди. Текшириладиган объектлар чеккароқдаги, ўтўланлар босган ялангликдаги шохобчада турарди. Бу ялангликда иккитагина кичик дарахтни айтмаса, соя жойнинг ўзи йўқ эди. Ана шундай шароитда 30 дан ортиқ вагон, цистерна ва платформани яхшилаб текшириш керак эди. Уларнинг ҳар бирида ёзувларни синчиклаб ўрганиш, ўлчаш, суратга туширилиб олгач, бўёгини кетказиб бошқа ёзув бор-йўқлигини текшириш зарур эди. Кимёгар экспертлар турли жойлардан бўёқ парчаларини кўчириб олишарди, баъзи жойларда металл чиқунча бўёқни қиртишлаб кўчиришга тўғри келар эди. Бу йўсин текширув асносида бир неча бор танаффус қилиб, қуриб



В.Муромцев расми.

қолаёзган дарахтлар соясида озгина бўлса ҳам ором олишарди. Қизиб ётган вагон ва цистерналардаги узлуксиз текширув асносида лоҳас бўлиш, ҳатто куёш уриши ҳеч гап эмас эди.

Бу сермашаққат ишимиз бесамар бўлмади. Биз, трассологлар барча вагонлар, цистерналар ва платформалардаги тартиб рақами ва ишлаб чиқарилган сана ёзувлари ўзгартирилганлигини аниқладик ва фотосуратларга туширдик. Айни вақтда уларнинг дастлабки тартиб рақами ва санасини тиклашга ҳам муваффақ бўлдик. Кимёгарлар қайта бўялганлик фактини тасдиқладилар.

Бундан ташқари, рўйхатдан чиқариб темир-терсакка топшириш учун мўлжал қилинмаган бир нечта вагон ва цистерналарни намуна сифатида кўздан кечирдик. Рўйхатдан чиқарилиб, темир-терсакка топширишга тахт қилиб кўйилган вагонлар, цистерналар ва платформалардан бўёғи қиртишлаб олинган металл парчалари зангламаган, яхши сақланган эди. Айни бир вақтда гўё улардан 20-30 йил кейинроқ тайёрланган намуна-

ларда биз текшириб кўрган вагонлардагига нисбатан металл парчаларини анча-мунча занг босган, ишлатиш асносида бўёқлари қисман едилган, баъзи жойларида бўёқ қатлами қолмаган ҳам эди.

Хуллас, рўйхатдан чиқарилиб, темир-терсакка топширишга унча эски бўлмаган вагонлар, цистерналар ва платформалар тайёрлаб кўйилганлиги эксперт текшируви йўли билан аниқланди. Улар турли йилларда тайёрланган бўлса-да, ишлатилганига кўп бўлмаган. Уларнинг ҳаммаси корхона амалда ишламаётган пайтда келган бўлса керак. Шундай нарса бекор ётибди дея баҳонада бир нарсалик бўлиш илинжидаги, нафси ҳақалак отган одамлар ҳаракатга туша қолган...

Экспертизамиз буларни темир-терсакка топшириб бўлмайди, улар фойдаланишга яроқли деб қатъий хулоса чиқариш имконини берди.

Ольга МАРШАНСКАЯ,
Адлия вазирлиги
хузуридаги Республика
суд экспертизаси
марказининг давлат
суд эксперти.

Реклама

“AMIR-AUDIT” МЧЖ
аудиторлик ташкилоти
28.03.2008 йилдаги 00642-сон лицензия.
ЎЗР АВнинг 12.01.2005 йилдаги 991-сон гувоҳномаси.

Ўзбекистон Республикасидаги барча ҳужжалик юритувчи субъектларда аудиторлик текширувлари ўтказилади

Малака сертификатли аудиторларни ишга қабул қиламиз
Бухгалтерия ҳисоботи ва баланс тузиш

Тел: (+99899) 187-04-68, (+99894) 644-62-23, 296-55-78; факс (6371) 296-52-15

Иқтисодий-ҳуқуқий газета
НОРМА МАСЛАХАТЧИ
ХУҚУҚ СОЛИҚЛАР БУХГАЛТЕРИЯ

ТАЪСИСЧИ “Norma Hamkor” МЧЖ

Газета 2006 йил 26 декабрда Ўзбекистон Матбуот ва ахборот агентлигида рўйхатга олинди. Рўйхат рақами 0074.

БОШ МУҲАРРИР
ФАРҲОД КУРБОНБОВ
ТАҲРИРИЯТ МАНЗИЛИ:
100105, Тошкент ш.,
Миробод тумани,
Таллимаржон кўч., 1/1,
Тахририят тел. 283-44-27
Обуна бўлими тел. 200-00-30
E-mail: gazeta@norma.uz,
normapress@mail.ru
www.norma.uz
Навр учун маъсул:
Нодир Алимов

Муаллифлар фикри доим ҳам тахририят нуқтаи назарига мос келавермайди. Тахририят муштарийлар билан ёзишиб туриш имкониятига эга эмас. «Norma маслаҳатчи»да эълон қилинган материалларни тўлиқ ёки қисман кўчириб босиш, электрон ва бошқа манбаларда кўпайтириш, тарқатишга фақат «Norma» газеталари бирлашган тахририяти» МЧЖ билан тузилган шартнома асосида йўл қўйилади.

Газета тахририят томонидан тайёрланган диапозитивлар ёрдамида “TOPPRINT” МЧЖ босмаҳонасида босилди (Тошкент ш., Миробод тумани, Таллимаржон кўч., 1/1).
Индекс – 186 Буюртма 917 Адади 2 315. Баҳоси келишилган нархда
Газета 2013 йил 22 апрелда соат 14.00 да топширилди.
ISSN 2010-5223